

«Egliadas – Augenblicke»

■ (cp) RTR Radiotelevision Svizra Rumantscha ed ils kinos da Cuira envindan a la premiera dal film «Egliadas – Augenblicke», in film da Christian Schocher. Quai gievgia, ils 29 da mars 2012 a las 18.00 en il Kino Apollo, Cuira. Il film «Egliadas – Augenblicke» preschenta in pauper vitget da muntogna ed umans che ston cumbatter mintgadi per lur existenza: Ils blers umens èn postads en unifurma als cunfins, las mammas èn sulettas a chasa sin il bain puril cun lur blers uffants e lur muvel. Ils uffants ston lavurar semper avant e suenter scola. Questas istorgias raquintan las fotografias d'Emil Brunner. Il fotograf glarunais ha visità pliras giadas la Surselva durant ils onns da la guerra 1943/44. Durant ses viadis ha el fotografà buobs e buobas en lur vitgs. Intginas personas vivan anc oz. Ellas laschan

reviver en il film «Egliadas – Augenblicke» da Christian Schocher il mund svanì. Il film cumpareglia dentant er il temp passà cun la vita dad oz en Surselva. In essai da film che mussa co noss temp e nosa cultura svaneschan e van en emblidanza. L'occurrenza è publica, l'entrada gratuita.

Il film «Egliadas – Augenblicke» da l'emission «Cuntrasts» vegn mussà en ils programs da la SRG SSR sco suonda:

dumengia, ils 01-04-12, 17.25 sin SF 1 (1. toc)

dumengia, ils 08-04-12, 17.25 sin SF 1 (2. toc)

Repetiziuns

mesemna, ils 04-04-12, 08.30, 09.30, 12.50

sin SF info

gievgia, ils 05-04-2012, 10.55 sin SF info

venderdi, 06-04-2012, 12.00– 14.20 sin RSI LA2

sonda, ils 07-04-12, 11.00 sin TSR 2 ubain a las

17.15 sin SF 1

dumengia, ils 08-04-12, 07.00 sin TSR 1 ubain a

las 07.30 sin RSI LA1

sonda, ils 14-04-12, 17.25 sin SF 1



Il fotograf Emil Brunner ha visità pliras giadas la Surselva durant ils onns da la guerra 1943/44. Durant ses viadis ha el fotografà buobs e buobas en lur vitgs. MAD